



«ԻՆՏԵՐԱԿՏԻՎ ԿՐԹՈՒԹՅԱՆ
ԶԱՐԳԱՑՈՒՄ»
ՀԻՄՆԱԴՐԱՄ



ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ
ԴԱՍԸՆԹԱՑ 2022

ՀԵՏԱԶՈՏԱԿԱՆ ԱՇԽԱՏԱՆՔ

ԹԵՄԱ

*ԼԵԶՎԱԿԱՆ ՏԱՐՐԱԿԱՆ ԳԻՏԵԼԻՔՆԵՐԻ
ՈՒՍՈՒՑՈՒՄԸ ՏԱՐՐԱԿԱՆ ԴԱՍԱՐԱՆՆԵՐՈՒՄ*

ԱՌԱՐԿԱ

մայրենի

ՀԵՂԻՆԱԿ

Հեղինե Մաթևոսյան

ՄԱՐԶ

Լոռի

ՈՒՍՈՒՄՆԱԿԱՆ

ՀԱՍՏԱՏՈՒԹՅՈՒՆ

Ստեփանավանի 6-րդ միջնակարգ դպրոց

ՂԵԿԱՎԱՐ

Մ.գ.դ., դոցենտ, ՌԲԱ պրոֆեսոր՝ Ա. Ծատուրյան

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ _____ 2

ԼԵԶՎԱԿԱՆ ՏԱՐՐԱԿԱՆ ԳԻՏԵԼԻՔՆԵՐԻ
ՈՒՍՈՒՑՈՒՄԸ ՏԱՐՐԱԿԱՆ ԴԱՍԱՐԱՆՆԵՐՈՒՄ _____ 6

ԵԶՐԱԿԱՅՈՒԹՅՈՒՆ _____ 16

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ _____ 18

ՆԵՐԱԾՈՒԹՅՈՒՆ

*Դպրոցն արվեստանոցէ, որտեղ ձևավորվում է աճող սերնդի միտքը:
Հարկավոր է այն ամուրպահել, եթէ չէ սցանկանում ձեռքից դրաց թողնել ապագան:*

Ա. Բարբյուս



Դպրոցը, առավել ապեսպահ պանդականկառույց լինելով հանդերձ, մշտապես փորձում է կողմնորոշվել դեպի աշակերտը: Անշուշտ, սա այնքան էլ հեշտ հաղթահարելի ինդիք չէ:

Պետք է կարողանալ ուսումնական գործընթացը կազմակերպել այնպես, որ բացահայտվեն յուրաքանչյուր աշակերտի անհատական առանձնահատկությունները, որն րահամար սովորելը դառնա անհատական պատասխանատվության գիտակցում, ինքնուրույն լինելը՝ վարքագծի ֆնականոն դրսևորում: Այս համատեքստում, հատկապես կարևորվում է մայրենիի ուսուցումը, քանի որ այն հիմնական լեզուն է և ամենուր ու անընդհատ է, առկա է գործունեության բոլոր դրսևորումներում: Իսկ ուսումնական միջավայրը պիտի նպաստի, որ սովորողն առանց սխալվելու վախի արտահայտի իր մտքերը, կարծիքը, հույզերը: Ժամանակակից աշխարհի սոցիալ - տնտեսական, քաղաքական, մշակութային հարաբերությունների կառուցման այս փուլում կարևոր է չմիայն ճանաչողական զարգացած կարողություններով ժտված, այլև արդյունավետ հաղորդակցվող, համագործակցային բավարարիմ տություններուն եցող քաղաքացիների դաստիարակումը, ինչը կրթական համակարգի ցպահանջում է ձևավորել ինքնուրույն սովորելու, ստեղծագործաբար մտածելու և ամենատարբեր իրավիճակներում ինդիքներին արդյունավետ

ուծումներ առաջարկելու կարողություններով,
ողջկյան քիչ թացքում սովորելու ցանկության բնականորեն ստանալու ցանկության բոժոժաված սովորողներին:

Մեր օրերում անառարկելի փաստ է, որ տարրական դպրոցը միայն գիտելիքների ձեռքբերման օղակ չէ: Ուսուցման այս փուլում գիտելիքը դիտարկվում է որպես անձի զարգացման միջոց: Ասել է, թե՛ տարրական դպրոցում կարևորում ենք ոչ թե գիտելիքների մեծ ծավալի հաղորդումը, այլ՝ այդ գիտելիքների երեխաների կողմից յուրացման ձևերը, գործածականությունը, երեխաների բարձրակարգ մտածողության ձևավորման համար պիտանի լինելը [2, էջ 5]:

Հետազոտությաննպատակը՝ բացահայտել դպրոցի խնդիրները տարրական դասարաններին մայրենի իդիոսուցման գործընթացում :

Հանրակրթական դպրոցը պիտի ձևավորի ամբողջական, լիարժեք նկարագիր ունեցող մարդու, որը ցանկացած բնագավառում իրեն կդրսևորի որպես գրագետ, ստեղծագործող, կենսական կամ սուսումնական խնդիրներ լուծելու ունակ անձնավորություն:

Այսիմաստով՝ քաղաքացիական կրթության, հասարակության կրթվածության բարձր վարկանիշներ ցմեկը դարձել է այն ունակությունների ձևավորումը, ինչն ապահովում է բերական ակնկալներ, կարողությունների հիմնությունների ձեռքբերման գործընթացում:

Հետազոտության առարկան տարրական դասարաններում մայրենի իդիոսուցման գործընթացն է՝ նոր մեթոդական համակարգով:

Հետազոտության խնդիրներն են՝

- ուսումնասիրել տարրական դպրոցում կրթական-քերական ակնկալներ գիտելիքների ուսուցման պատմական փորձը, գործադրված մեթոդները,
- ուսումնասիրել կրտսեր դպրոցականների բառապաշարի շերտերը, որոշել նրանց խոսքում ձևաբանական գիտելիքների կիրառման մակարդակները,
- հիմնավորել ընթերցանության նյութերի միջոցով ձևաբանական գիտելիքների գործնական ձևն ապահովելու ուսումնասիրման արդյունավետությունը մտահաղորդակցական կարողությունների զարգացման առումով:



Մայրենի լեզվի տարրական դասընթացը բաժանվում է երկու մասի, որոնցից առաջինը ներառում է ընթերցանությունը, իսկ երկրորդը՝ լեզվական տարրական գիտելիքները, որոնք մեկը մյուսի վրա հենվելով, ընդհանուր առմամբ լուծում են երեխայի խոսքի զարգացման կարևոր խնդիրը [6, էջ 22]:

Հայտնի է, որ տարրական դպրոցում լեզվական տարրական գիտելիքների ուսուցումը գործնական բնույթ է կրում, իհարկե, հաշվի առնելով առարկայական առանձնահատկությունները, այսինքն՝ երբեմն էլ այս կամ այն լեզվական իրողության վերաբերյալ մատչելի տեսական գիտելիքներ ենք հաղորդում [3, էջ 20]:



Մայրենի լեզվի ուսումնասիրությունը տարրական դասարաններում մի քանի կարևոր նպատակներ է հետապնդում. կրտսեր դպրոցականների

- բառապաշարի հարստացում նորանոր բառերով,
- ունեցած բառային ֆոնդի մաքրում,
- խոսքի հղկում, զարգացում,

- արտահայտելիք մտքերին համարժեք և համապատասխան բառեր ընտրելու, դրանք ուղղախոսության կանոններին համապատասխան արտաբերելու կարողության մշակում,
- հայերեն ուղղագրությանը համապատասխան գրելու, բանավոր և գրավոր կապակցված խոսք կառուցելու կարողության մշակում:

Իսկ այս ամենն իրականություն դարձնելու համար անհրաժեշտ են աշակերտների քերականական, լեզվական գիտելիքների իմացությունը և դրանք խոսքի մեջ օգտագործելու համար կարևոր ունակությունները: Լեզվական-քերականական գիտելիքների յուրացումը նպաստում է աշակերտների ճանաչողական կարողությունների, տրամաբանական մտածողության և լեզվամտածողության զարգացմանը: Լեզվական իրողությունների յուրացման ընթացքում երեխաները իրականացնում են վերլուծական և համադրական տրամաբանական գործողություններ, գտնում են լեզվական երևույթների միջև գոյություն ունեցող տարբերություններն ու ընդհանրությունները, դատողություններ են անում, փորձում են ընկալել վերացական բազմաթիվ երևույթներ: Այս ամենով հանդերձ, բնականաբար, զարգանում է երեխաների մտածողությունը: Իսկ մեր խնդիրն է լեզվական գիտելիքների ուսուցումը կազմակերպել այնպես, որ ուսումնասիրվող նյութն աշակերտներն իսկապես հասկանան և կիրառեն իրենց խոսքի մեջ[4, էջ52]:

Պետք է այնպես անել, որ ուսուցանվող նյութը լինի հետաքրքրաշարժ, որպեսզի այն զարգացնի աշակերտների ինքնուրունությունը, ստեղծագործական միտքը և երևակայությունը, այնպես ուսուցանել, որպեսզի բարձրանա աշակերտների ակտիվությունը:

Ինչպես ժամանակակից մանկավարժ - հոգեբաններն են ապացուցում, աշակերտի կողմից մտավոր խնդիր-առաջադրանքների կատարման ընթացքում սեփական աշխատանքով ձեռք բերվող գիտելիքը երբեք չի մոռացվում: Այս դեպքում աշակերտը կատարում է դիտարկումներ, փորձեր, եզրահանգումներ և ստացված գիտելիքները դառնում են նրա սեփականությունը, վերածվում են համոզումների[2, էջ 205]:

ԼԵԶՎԱԿԱՆ ՏԱՐՐԱԿԱՆ ԳԻՏԵԼԻՔՆԵՐԻ ՈՒՍՈՒՑՈՒՄԸ ՏԱՐՐԱԿԱՆ ԴԱՍԱՐԱՆՆԵՐՈՒՄ

Լեզվական գիտելիքների գիտակցական ընկալումն ապահովող կարևոր պայման է հանդիսանում քերականության ուսուցման մանկավարժական սկզբունքների հաշվառումը:

Տարրական դասարաններում լեզվական տարրական գիտելիքները ուսուցանվում են ոչ թե գիտական սահմանումներն անգիր անելով, սերտելով, այլ՝ գործնական վարժությունների կատարման ճանապարհով: Կարևոր է նաև այն, որ ձեռք բերած լեզվական գիտելիքները, ունակությունները աշակերտները կարողանան կիրառել խոսքային թե՛ գրավոր, թե՛ բանավոր գործունեության մեջ, ընդ որում այդ անեն ճիշտ և գիտակցված

[1, էջ 46]:

Ըստ հանրակրթության պետական չափորոշչի և առարկայական չափորոշիչների պահանջների տարրական դասարանների ծրագրային նյութը տրվում է պարուրաձև սկզբունքով, որն ապահովում է անընդհատ անդրադարձ անցածին, այն է՝ ծանոթ կամ ունեցած գիտելիքների կրկնման, ամրակայման հիմքի վրա նոր գիտելիքների ձեռքբերումը:

Լեզվական գիտելիքներն ուսուցանելիս լայնորեն կիրառվում են մտածողության գործունեությունն ակտիվացնող հնարներ՝ վերլուծություն, համադրություն, համեմատություն, դասակարգում, հակադրում, ապացույցներ, հիմնավորումներ[1, էջ 47]:

Յուրաքանչյուր լեզվական իրողություն բխեցվում է աշակերտներին ծանոթ նյութից, իսկ ուսումնասիրված նյութն ամրակայվում է բազմաթիվ ու բազմազան վարժություններով, որոնք սակայն մինևս նպատակն են հետապնդում:

Կարևոր հանգամանք է, նաև այն, որ ինչպես ցանկացած ուսումնական նյութի, այդպես էլ (և հատկապես) լեզվական գիտելիքների ուսուցանման ընթացքում միշտ հաշվի է առնվում դասարանի աշակերտների գիտելիքների և կարողությունների տարամակարդակ լինելու փաստը:

Անհատական և տարբերակված մոտեցումն իրականացվում է թե՛ համադասարանային, թե՛ խմբային աշխատանքների միջոցով:

Լեզվական-քերականական հասկացությունները տարրական օղակում վերացական են և ըստ այդմ բավական բարդ է այդ նյութն ուսուցանելը, քանի որ կրտսեր դպրոցականների վերացական մտածողությունը լրիվ զարգացած չէ: Երեխաները քերականության ուսումնասիրության ընթացքում գործ են ունենում ոչ թե գնական առարկաների, այլ լեզվական անտեսանելի երևույթների հետ, որոնք արագ մոռացվում են: Այդ է պատճառը, որ կա գիտելիքների հաղորդման խիստ հաջորդականություն, տարվում է հարցերի աստիճանական բարդացում և հատկապես, վարժությունների միջոցով, անընդհատ կրկնություն:

Ածանցներ
 Բառերի մեջ արմատի վերջում կամ սկզբում կարող են լինել մասնիկներ, որոնք փոխում են բառի իմաստը. դրանք կոչվում են ածանցներ:

Նախածանց
 ան-
 ապ-
 դժ-
 տ-
 չ-

Վերջածանց

-ակ	-արան	-իչ	-բար	-որդ
-իկ	-եղ	-ին	-պես	-ուհի
-ուկ	-եղեն	-յան	-որեն	-ություն
-ական	-ենի	-յա	-ովի	-ե
-ային	-ելի	-յուն	-ոտ	-ք
-ավոր	-ալի		-կոտ	
անոց				

ՇԱՂԿԱՊՆԵՐ

որ
 երբ
 և
 բայց
 իսկ

Ես ուրախ եմ

- ...ուզում եմ գար գալ աշխարհով մեկ:
- ...աչքերս արցունքոտ են:
- ...բույրիկս տխուր:
- ...ապրում եմ Հայաստանում:
- ...այցելում եմ տատիկիս և պապիկիս:

• Ընտրել
 • Տեղադրել
 • Կետադրել

Տարրական դասարաններում լեզվաքերականական գիտելիքների ձեռքբերման գործընթացում երեխաները սովորում են՝

- ✓ առանձնացնել բառի մեջ եղած հնչույթները
- ✓ ընկալել բառի ձևաբանական կառույցը
- ✓ ընկալել բառի կազմությունը /արմատ, ածանց, վերջավորություն/
- ✓ գիտակցել բառը որպես ինքնուրույն խոսքային միավոր

Լեզվական տարրական գիտելիքների խորությամբ յուրացնելու համար իրականացվող կրկնությունները պետք է կայուն կապեր ստեղծեն անցածի, յուրացրածի հետ, ինչպես նաև, երեխաները դրանք պետք է կիրառեն խոսքի մեջ:

Լեզվական տարրական գիտելիքներ ուսուցանելիս իրականացվում է այն պարզ ու մատչելի լեզվական հասկացությունների յուրացումը, որոնք անհրաժեշտ են երեխաներին՝ բանավոր և գրավոր գրագետ խոսք կառուցելու կարողության ձևավորման, լեզվամտածողության զարգացման համար: Լեզվական հասկացությունները ուսումնասիրվում են պարզից դեպի բարդ, ծանոթ նյութից դեպի անծանոթը, հեշտից դեպի դժվարը տանող ուղով, մեկնաբանություններն արվում են գիտականորեն ճիշտ, բայց մատչելի ու պարզ[2, էջ 205]:

Լեզվական տարրական գիտելիքների ուսուցման ընթացքում երեխաները

- ✚ ձեռք են բերում գիտելիքներ բառակազմությունից, ձևաբանությունից, շարահյուսությունից, իսկ դրանց հիման վրա՝ ուղղագրական որոշակի կարողություններ և հմտություններ,
- ✚ զարգացնում են բառապաշարը՝ շրջակա աշխարհը և նրանում առկա տարատեսակ փոխհարաբերություններ ներկայացնող բանավոր և գրավոր խոսք կառուցելու համար,
- ✚ սովորում են բանավոր և գրավոր խոսքում օգտագործել պարզ և բարդ նախադասություններ, դրսևորում են մտահաղորդակցական կարողություններ և քննադատական մտածողություն:

Ձեռք բերված լեզվական գիտելիքները կապակցված խոսքում օգտագործելու ուղղությամբ մեծ աշխատանք է տարվում: Կարևորում ենք, օրինակ՝ նկարի շուրջ պատմություն հյուսելը, տեսած-լսածը ներկայացնելը, ընթերցած ստեղծագործությունը վերապատմելը և այլն: [1, էջ 73]

Լեզվական գիտելիքների խոսքի մեջ գիտակցորեն և ճիշտ կիրառելու համար կատարվում են շարունակական և նպատակային վարժություններ: Լեզվական վարժությունների անցկացման գործընթացը պետք է բավարարի մի շարք դիդակտիկական պահանջների.

- Միևնույն լեզվական իրողության յուրացման նպատակով պետք է կազմակերպել բազմաթիվ և տարատեսակ առաջադրանքներ՝ ուսումնասիրվող դասանյութի շուրջ:
- Առաջադրանքների կատարումը կրելու է շարունակական և համակարգված բնույթ:
- Յուրաքանչյուր վարժություն հիմք է նախապատրաստում հաջորդ վարժության կատարման համար:
- Վարժությունների պահանջները կարդում են աշակերտները, ապա բացատրում, պլանավորում կատարման քայլերը:
- Կարևորվում է աշակերտների ինքնուրույն գործունեությունը[6, էջ 25]:

Լեզվական-քերականական վարժությունները, ըստ նպատակադրման, լինում են՝

1. Նախապատրաստական: Երեխաները նախապատրաստվում են լեզվական նյութի ուսումնասիրմանը: Այս վարժությունները նախ կատարում ենք գրատախտակին՝ ապահովելով յուրաքանչյուր աշակերտի մասնակցությունը:
2. Մարզողական: Սրանք իրենց մտքերն արտահայտելու, պահանջվող լեզվական բաղադրիչն ընտրելու, ընդգծելու, ամբողջացնելու և նման այլ հանձնարարականներ պարունակող վարժություններն են, որոնք նպաստում են երեխաների նոր սովորած գիտելիքների ճիշտ և վարժ կիրառմանը:
3. Վերլուծական: Սրանց միջոցով աշակերտները վերլուծում են իրենց ձեռք բերած գիտելիքները, արդեն յուրացրած և նոր գիտելիքների միջև կապեր են գտնում:
4. Կիրառական: Այս վարժությունները ինքնաստուգման, ձեռք բերած գիտելիքների բանավոր կամ գրավոր խոսքում նույնությամբ կամ ստեղծագործաբար կիրառելու հրաշալի վարժանք են:
5. Ստեղծագործական: Յուրացված լեզվական իրողություններն ու հասկացությունները կիրառվում են ստեղծագործաբար՝ ողջ աշխատանքը կատարելով ինքնուրույն:
6. Հնչյունային: Կատարվում են, երբ հնչյուններն ուսումնասիրվում են որպես լեզվական հասկացություն, բացատրվում են բառերի ուղղագրությունն ու ուղղախոսությունը:
7. Բառակազմական: Սրանց միջոցով ուսուցանվում են բառի կազմության վերաբերյալ գիտելիքներ:
8. Ձևաբանական: Աշակերտները բնութագրում են առաջադրված նախադասության մեջ օգտագործված բառերը՝ իրենց առանձնահատկություններով [6, էջ 26]:

Լեզվական գիտելիքների տարրական ուսուցման գործում կարևոր տեղ ունեն նաև լեզվական խաղ-վարժությունները: Խաղերը էապես նպաստում են ուսումնական գործընթացի արդյունավետության բարձրացմանը: Խաղային վարժությունների միջոցով լեզվական գիտելիքները վերածվում են կարողությունների և զարգացնում են աշակերտների տրամաբանական մտածողությունն ու ստեղծագործական կարողությունները: Խաղերը դասանյութի յուրացումը դարձնում են հետաքրքրաշարժ և գրավիչ [5, էջ 12]:



ինքնաշեն նկար-քարտեր

Լեզվական տարրական գիտելիքների ուսուցումը կրտսեր դասարաններում իրականացվում է վերլուծական-համադրական մեթոդով՝ իրամենալայնուբազմապիսի դրսևորումներով [1, _____ էջ _____ 60] : Այսինքն՝ լեզվական տարբերթեմաների ուսուցման ժամանակ վերենքլուծումը լեզվի մեջ եղած բազմաթիվ ու տարաբնույթ երևույթները, դրանց առանձնահատկությունները, բացահայտում ենք բառի, նրակազմության, կրած փոփոխությունների օրինակաչափությունները, նախադասության մեջ նխոսքում ունեցած դերը, ապաստան փոփոխում, համակարգում ենք կատարած դիտարկումները:



Վերլուծական-համադրական մեթոդը լեզվական տարրական գիտելիքների ուսումնասիրման գործընթացում կիրառվում է՝ նպաստելով աշակերտների մտածողական ակտիվության բարձրացմանը [2, էջ 205]: Աշակերտները լեզվական նյութը չեն ընկալում մեխանիկորեն, այլ տարաբնույթ տրամաբանական-մտածողական գործունեության ճանապարհով: Լեզվական նոր գիտելիքներ ձեռք բերելիս աշակերտը վերլուծություն է կատարում, համեմատում է ուսումնասիրվող երևույթների և առարկաների ու գործողությունների անվանումները, դրանցում ընդհանրություններ ու տարբերություններ է գտնում և որոշակի եզրահանգումներ է կատարում: Ակտիվանում է երեխաների մտածողությունը, տրվում է այս կամ այն լեզվական երևույթի սահմանումը: Աշակերտը անցնում է մասնավորից դեպի ընդհանուր՝ ինդուկտիվ ուղի, այնուհետև ճանաչողությունը շարունակվում է ետդարձի՝ ընդհանուրից դեպի մասնավոր փաստերը գնացող ճանապարհով՝ դեդուկցիայով:

Այսինքն՝ ճանաչողության՝ ակտիվ ստեղծագործական - որոնողական գործունեություն ծավալելիս աշակերտը կատարում է մտահանգումներ, եզրակացություն և մասնավորեցում, վերլուծություն և համադրություն:

Լեզվական տարրական գիտելիքների գիտակցական յուրացման համար հարկավոր է, որ երեխաները լեզվական տվյալ հասկացության մասին բավականաչափ օրինակներ ու փաստեր հավաքեն, որպեսզի կարողանան ինքնուրույն ձևակերպել սահմանումը [2, էջ 206]:

Դեռևս գրաճանաչության շրջանից սկսած ուսումնասիրում ենք հնչյունաբանությունը, քանի որ հնչյունաբանական գիտելիքների ու կարողությունների հիման վրա ձևավորվում են կարդալու և գրելու կարողությունները, ուղղագրական և ուղղախոսական ունակությունները, բառը խոսքի մեջ հասկանալով օգտագործելու կարողությունը և այլն: Այս շրջանում լեզվական տարրական գիտելիքներն ուսուցանում ենք պատմություն — նախադասություն — բառ — վանկ — հնչյուն — տառ, իսկ գրաճանաչության փուլի ավարտից հետո՝ հակադարձ հաջորդականությամբ:


Բառերն իրենց լրիվ հնչյունակազմով ճիշտ արտասանելու կարողության զարգացման, ճիշտ տառակազմով գրելու ունակության ձևավորման, բառերը վանկերի բաժանելու, գաղտնավանկի ը-ն ճիշտ գործածելու հմտության մշակման նպատակով տարվում են աշխատանքներ՝ հնչյունի և նրա տառի ուսուցման ուղղությամբ՝ կատարելով հնչյունային լսողության զարգացման և բառի վանկային վերլուծության վարժություններ:



Հնչյունի և տառի մասին տրվող գաղափարը, որքան էլ մատչելի ու պարզ, ամեն դեպքում պետք է լինի գիտական: Երեխաներն իմանում են, որ խոսքը կազմված է հնչյուններից, որոնք լինում են ձայնավոր և բաղաձայն և, որ այդ դասակարգման համար հիմք են հանդիսանում նրանց մի քանի առանձնահատկությունները: Ինչպես օրինակ՝ արտասանության եղանակը, հնչման բնույթը, վանկ կազմելու հնարավորությունը: Բացի այդ երեխաները գործնականորեն տարբերում են հայերենի վեց ձայնավոր հնչյունները և դրանց ութ տառերը:

Վանկի մասին գաղափար տալիս, այն չենք սահմանում: Ուղղակի երեխաներին սովորեցնում ենք բառերը բաժանել վանկերի, ինչի ընթացքում նրանք նկատում են, որ բառն ունի այնքան վանկ, որքան ձայնավոր: Բառերը վանկատելը, տողադարձ անելը շատ կարևոր հմտություն է, ուստի այն ամրակայելու շուրջ պարբերաբար բազմաթիվ վարժություններ ենք կատարում:

Բառի մասին ևս երեխաները նախնական պատկերացում ստանում են գրաձանաչության շրջանից, ծանոթանում են միավանկ, բազմավանկ բառերին:



Այնուհետև բազում գործնական վարժությունների ճանապարհով, գաղափար են կազմում այն մասին, որ իրենց ծանոթ բառերից յուրաքանչյուրն ինչ-որ իմաստ ունի. ցույց են տալիս անձ, իր, երևույթ, հատկանիշ, գործողություն և այլն, ինչպես նաև, գիտեն այն, որ բառը կազմող հնչյունները կամ տառերն ունենում են որոշակի հաջորդականություն: Այս ամենը լավ գիտակցելով՝ երեխաները հանգում են բառի սահմանմանը՝ բառը հնչյունների այն միացությունն է, որն իմաստ է արտահայտում: Քիչ առ քիչ գիտելիքներ են ձեռք բերում բառակազմությանից՝ տարբերակում են արմատ, ածանց հասկացությունները: Ի դեպ, բառակազմության ուղղությամբ գործնական ունակությունների ձևավորումը նպաստում է նաև ուղղագրական կարողությունների մշակմանն ու դրանց հմտությունների վերածմանը: Ուսումնասիրում ենք պարզ, բարդ և ածանցավոր բառերը, գաղափար կազմում նաև հոդակապի մասին, իսկ դրանց վերաբերյալ գիտելիքները հիմնավոր դարձնելու համար կատարում ենք մարզողական, ամրակայող և տարաբնույթ այլ վարժություններ: Երեխաները գաղափար են կազմում նաև բառերի քերականական իմաստի մասին:

Դեռևս գրաճանաչության նախաայբբենական շրջանում երեխաները թե՛ տարրական պատկերացում են կազմում նախադասության մասին, թե՛ կարողանում են կազմել պարզ նախադասություններ, գծել այդ նախադասությունների գծապատկերները: Ինչպես լեզվական մյուս իրողությունների պարագայում, այնպես էլ նախադասության ուսուցանման դեպքում նախնական փուլում սահմանում կամ կանոն չենք տալիս: <<Նախադասություն>> թեմայի ուսումնասիրությունն արդյունավետ է դառնում, երբ երեխաները ձեռք են բերում խոսքում պատմողական, հարցական և հրամայական նախադասություններ օգտագործելու ունակություն, հետագայում իհարկե, նաև բացականչական նախադասություն[6, էջ 23]: Նախադասության ուսուցման տարրական փուլի ավարտին երեխաները իմանում են, որ՝

- Բառերով արտահայտված ամեն մի ամփոփ միտք կոչվում է նախադասություն,
- Նախադասության շեշտ ունեցող բառերը բարձր են արտասանվում, իսկ շեշտը դրվում է բառի վերջին ձայնավորի վրա,
- Հարցում արտահայտող նախադասություններում համապատասխան բառն արտասանվում է հարցական երանգով, իսկ վերջին ձայնավորի վրա դրվում է հարցական նշան:

Նախադասության մասին տրված գիտելիքները լիարժեք չեն լինի, եթե չանդրադառնանք նաև նախադասության գլխավոր և երկրորդական անդամներին, բազմակի անդամներին, պարզ և բարդ նախադասություններին, մեջբերվող խոսքին, կոչականին: Անշուշտ, այս շարահյուսական տեղեկությունները երեխաներին հաղորդում ենք ոչ այնքան սահմանումների, կանոնների ճանապարհով, որքան նրանց էական հատկանիշների դիտարկման, ճանաչման, խոսքում օգտագործման հնարավորությունների ընկալման և կիրառման տեսանկյունով:

Խոսել լեզվական տարրական գիտելիքների ուսուցման մասին և չանդրադառնալ ձևաբանական տարրական գիտելիքներին՝ անհնար է: Չնայած այն հանգամանքին, որ տարրական դասարաններում ծրագրային նյութը չի ներառում խոսքի մասերի ամբողջական ուսումնասիրություն: Սակայն բարձր դասարաններում համակարգված քերականության ուսումնասիրման համար անհրաժեշտ հիմք ստեղծելու նպատակով կրտսեր դպրոցականները զինվում են որոշակի ձևաբանական գիտելիքներով: Լեզվական տարրական գիտելիքների ուսուցման փուլում խոսքի մասերը ուսուցանում ենք ոչ այն հաջորդականությամբ, որն ընկած է քերականության ուսուցման համակարգված ու գիտական դասընթացների հիմքում, այլ՝

- գոյական,
- բայ,
- ածական,
- թվական,

Բայը /սկզբում՝ միայն գործողություն ցույց տվող բառեր անվանելով/ անմիջապես գոյականից հետո /առարկա ցույց տվող բառ անվանելով/ ուսուցանելը նպատակահարմար է թե՛ այն առումով, որ վեց-յոթ տարեկան երեխաները խոսքում գոյականից հետո ամենից շատ բայն են գործածում, թե՛ նրա համար, որ այս դեպքում հնարավորություն է ստացվում նախադասությունը դարձնել ուսուցման հիմնական գործոններից մեկը, քանի որ ընդամենը երկրորդ խոսքի մասն անցած լինելով՝ հնարավոր է դառնում նախադասություն ստանալ, իսկ հետո անցնելիք խոսքի մասերը գալիս-լրացնում են նախադասությունը: Ընդ որում խոսքի մասերն ուսուցանում ենք ոչ թե առանձին-առանձին, այլ՝ փոխկապակցված, դրանք միմյանց հետ համեմատելով, նմանություններ ու տարբերություններ գտնելով: Այսպիսի մոտեցման շնորհիվ բարենպաստ պայմաններ են ստեղծվում խոսքի մասերի հիմնական հատկանիշների ընկալման համար: Խառը բառախմբից հարցերի միջոցով առարկա, գործողություն, առարկայի հատկանիշ ցույց տվող բառերն առանձնացնելով՝ աշակերտները եզրահանգում և մեկընդմիջտ յուրացնում են , որ մեր խոսքում օգտագործվող բառերը ցույց են տալիս առարկա, գործողություն և առարկայի հատկանիշ, որ նրանցից յուրաքանչյուրն ունի իրեն տրվող որոշակի հարց, և բառերը խոսքում օգտագործելիս որոշակի փոփոխություններ են կրում: Ուսուցման հետագա փուլերում աշակերտներն աստիճանաբար ուսումնասիրում են խոսքի մասերն առանձին-առանձին՝ իբրև համակարգված քերականություն:

Գոյականի ուսուցումն այս փուլում իրականացվում է հետևյալ խնդիրների լուծումով՝

- ❖ Գոյական քերականական հասկացության ձևավորում,
- ❖ Հարցի օգնությամբ գոյականները տարբերելու, նաև անձ և իր ցույց տվող, կարողության տիրապետում,
- ❖ Հատուկ անունների ուղղագրության իմացության ձևավորում, ինչպես նաև իմացություն, որ միննույն տեսակի բոլոր առարկաներին տրվող ընդհանուր անվանումը հասարակ անուն է, իսկ նույն տեսակի միայն մեկ առարկային տրվող առանձին անունը՝ հատուկ անուն,
- ❖ Հարցի օգնությամբ գոյականի թիվը որոշելու, փոփոխելու կարողությունների զարգացում /պետք է գոյականի թիվը տարբերեն թե՛ իմաստով, թե՛ վերջավորությամբ/ ,
- ❖ Բառապաշարի հարստացում նորանոր գոյականներով,
- ❖ Խոսքի մեջ գոյականները ճիշտ գործածելու կարողության ձևավորում, ըստ հոլովային նշանակության և համապատասխան վերջավորության:

Բայի ուսուցումն ավելի բարդ է, կապված նրա քերականական շատ հատկանիշների առկայության հետ: Ուսուցման առաջին փուլում՝

- ✓ Նախնական պատկերացում ենք ձևավորում բայի մասին՝ որպես առարկայի գործողություն ցույց տվող բառ,
- ✓ Հարցերի միջոցով դրանց տարբերակելու կարողություն ենք ձևավորում,
- ✓ Գրավոր և բանավոր խոսքում բայերը ճիշտ և գիտակցված գործածելու կարողությունն ենք զարգացնում,
- ✓ Մշակում ենք օժանդակ բայերը ճիշտ արտասանելու և գրելու ունակություն:

Բայի ուսուցման տարրական փուլում բավարարվում ենք այսքանով և նրանով, որ աշակերտները կարողանան որոշել թե ո՞ր բառն է առարկա ցույց տալիս և ո՞րը՝ նրա կատարած գործողությունը:

Ուսուցման այս փուլում գաղափար են կազմում բայի դեմքի մասին, իսկ հետագա քայլը կլինի բայերի փոփոխությունը թվով և ժամանակով:

Լեզվական գիտելիքների ուսուցման տարրական փուլում կարևորվում է հարցերի միջոցով ածականները, սկզբում՝ առարկայի հատկանիշ ասելով, որոշելու կարողության ձևավորումը: Տարբեր վարժություններ կատարելով՝ երեխաները համոզվում են, որ բառերը կարող են առարկայի հատկանիշները ներկայացնել ըստ գույնի, համի, ձևի, մեծության, նյութի և այլն: Գործնական վարժություններ կատարելով՝ երեխաները եզրահանգում են , որ ածականը թիվ, դեմք, ժամանակ չունի: Աշակերտների բառապաշարը ածականներով հարստացնելուն նպաստում են ինչպես բանավոր, այնպես էլ գրավոր ստեղծագործական շարադրությունները:

- ✓ Նախնական պատկերացում ենք ձևավորում բայի մասին՝ որպես առարկայի գործողություն ցույց տվող բառ,
- ✓ Հարցերի միջոցով դրանց տարբերակելու կարողություն ենք ձևավորում,
- ✓ Գրավոր և բանավոր խոսքում բայերը ճիշտ և գիտակցված գործածելու կարողությունն ենք զարգացնում,
- ✓ Մշակում ենք օժանդակ բայերը ճիշտ արտասանելու և գրելու ունակություն:

Բայի ուսուցման տարրական փուլում բավարարվում ենք այսքանով և նրանով, որ աշակերտները կարողանան որոշել թե ո՞ր բառն է առարկա ցույց տալիս և ո՞րը՝ նրա կատարած գործողությունը:

Ուսուցման այս փուլում գաղափար են կազմում բայի դեմքի մասին, իսկ հետագա քայլը կլինի բայերի փոփոխությունը թվով և ժամանակով:

Լեզվական գիտելիքների ուսուցման տարրական փուլում կարևորվում է հարցերի միջոցով ածականները, սկզբում՝ առարկայի հատկանիշ ասելով, որոշելու կարողության ձևավորումը: Տարբեր վարժություններ կատարելով՝ երեխաները համոզվում են, որ բառերը կարող են առարկայի հատկանիշները ներկայացնել ըստ գույնի, համի, ձևի, մեծության, նյութի և այլն: Գործնական վարժություններ կատարելով՝ երեխաները եզրահանգում են , որ ածականը թիվ, դեմք, ժամանակ չունի: Աշակերտների բառապաշարը ածականներով հարստացնելուն նպաստում են ինչպես բանավոր, այնպես էլ գրավոր ստեղծագործական շարադրությունները:

Ի տարբերություն նախորդ խոսքի մասերի, որոնց մասին աշակերտները նախնական գիտելիքներ ստանում են սկսած առաջին դասարանից, թվականն ավելի նոր է: Այն ուսուցանում ենք լեզվական կոնկրետ փաստերից դեպի դրանց ճանաչումը, գնահատումն ու ընդհանրացումը տանող ուղիով: Կոնկրետ օրինակներով երեխաներին բերում ենք այն եզրահանգման, որ թվականները ցույց են տալիս թիվ, քանակ, կարգ: Թվականը լինելով առարկայի հատկանիշ, այնուամենայնիվ մեծապես տարբերվում է մյուս հատկանիշ ցույց տվող խոսքի մասերից, քանի որ այն միայն առարկաների որոշակի քանակ է ցույց տալիս: Թիվ արտահայտելը թվականի իմաստային ամենաբնորոշ հատկանիշն է: Ածականի նման, այն ևս չի փոփոխվում դեմքով, թվով, ժամանակով: Թվականների դասակարգումն ըստ առանձին տեսակների իրականացնում ենք գործնական եղանակով՝ վարժություններ կատարելով: Ապա աշակերտները եզրակացնում են, որ

- Քանակական թվականները ցույց են տալիս առարկաների թիվը, քանակը և պատասխանում են քանի՞, որքա՞ն հարցերին,
- դասական թվականները ցույց են տալիս առարկաների հաջորդական կարգը, հերթականությունը և պատասխանում են ո՞րերորդ, քանի՞երորդ հարցերին: Մրանք կազմվում են քանակականներից՝ ավելացնելով –երորդ կամ –րորդ մասնիկները:

Թվականների ուսուցման ժամանակ մեծ ուշադրություն ենք դարձնում դրանց ուղղագրությանը, վարժությունների միջոցով աշխատանք է տարվում այդ ուղղությամբ: Դեռևս առաջին դասարանից երեխաները ձեռք են բերում տարրական գիտելիքներ, և գրավոր խոսքում հաճախ են օգտագործում թվականներ: Առանց խոսքի մասի անունը տալու, սովորողներն իմանում են, որ մեկից տասը թվերը գրվում են անջատ, տասնմեկից իննսունինը թվերը՝ միասին, իննսունինից բարձր բոլոր թվերը գրվում են անջատ և այլն: Հաջորդ փուլում աշակերտները ծանոթանում են թվականների գրությանը՝ արաբական և հռոմեական թվանշաններով և այլն:

Ուսումնական աշխատանքը երկկողմ գործընթաց է՝ գիտելիքների հաղորդում և հաղորդվող գիտելիքների ընդունում, յուրացում: Այսինքն՝ ուսուցչի և աշակերտի աշխատանքը՝ դասավանդումն ու ուսումնառությունը, անբաժան, ամբողջական գործունեության երկու տարբեր, բայց փոխապայմանավորված կողմերն են:

ԵԶՐԱԿԱՅՈՒԹՅՈՒՆ

Ըստ ծրագրային պահանջների՝ մայրենի լեզվի դասընթացը երկու հիմնական մասերի ամբողջություն է: Դրանք են՝ ճանաչողական արժեք ունեցող գործնական, մատչելի քերականական գիտելիքները և ընթերցանության նյութերը: Լեզվական գիտելիքներն իրենց բնույթով ու շարադրանքով չունեն տեսական նպատակադրում, այլ՝ որոշակի ուղղվածություն, ճանաչողական-կիրառական արժեք: Փաստորեն մայրենիի դասի ընթացքում և դասի միջոցով երեխաները տեղեկություններ են ստանում լեզվական այս կամ այն երևույթի մասին և այդ առանձին տեղեկությունները համադրում, դարձնում է գիտելիքներ: Իսկ այդ գիտելիքները օգտագործում են բանավոր և գրավոր խոսքում:

Տարրական գիտելիքների ուսուցումը իրականացնում ենք վերլուծական-համադրական մեթոդով: Քերականական նյութն ընտրվում է ոչ թե նյութի բնույթից բխող գիտական համակարգով, այլ՝ հաշվի առնելով աշակերտների ընդունակությունները, նրանց լեզվական ու ընկալման հնարավորությունները, բառապաշարը, ուսուցվող նյութի գործնական արժեքը: Այն, ինչ երեխաներն արդեն գիտեն, պետք է նրանց մեջ դառնա գիտակցված գիտելիք, իսկ չգիտեցածը՝ ձեռք բերեն գործնական ճանապարհով:

Լեզվական տարրական գիտելիքների ուսուցումն սկսվում է նախադասությամբ, որից էլ առանձնացվում և ուսումնասիրվում են բառերը՝ որպես իմաստային և լեզվական միավորներ, քերականական հասկացություններ: Այսինքն, քերականության ուսուցումը սկիզբ է առնում կենդանի լեզվից, պարզ մտքերից և աստիճանաբար գնում դեպի բարդ նախադասությունները:

«Բառակազմություն» թեման ուսուցանվում է ավելի ուշ՝ գաղափար տալով բառի լեզվական բնորոշման, կազմության՝ պարզ, բարդ, ածանցավոր բառերի, արմատի, ածանցի, հոդակապի մասին: Այնուհետև ուսումնասիրվում են խոսքի մասերը՝ գոյականը, բայը, ածականը, թվականը՝ իրենց ամենահիմնական հատկանիշներով և գործածության ամենապարզ ձևերով:

Լեզվական գիտելիքները ուսուցանման փուլում լեզվական հասկացությունները չեն ուսումնասիրվում լեզվաբանական գիտական համակարգով, այլ՝ հիմք ընդունելով ուսուցման պարզից դեպի բարդ տանող սկզբունքները՝ գիտականորեն ճիշտ, բայց մատչելի մեկնաբանություններով:

Արդյունքում, ձեռք բերված լեզվական գիտելիքներն օգտագործվում են կապակցված խոսքում՝ գրավոր և բանավոր տեսակներով:

Լեզվական տարրական գիտելիքների ուսուցման փուլում կարևոր տեղ ենք հատկացնում լեզվական տարաբնույթ առաջադրանքներին ու խաղերին՝ աստիճանաբար նվազեցնելով ուսուցչական անմիջական մասնակցությունն այդ գործընթացին: Ավելի հաճախ պետք է կազմակերպվի ինքնաստուգումներ և

փոխստուգումներ: Երեխաներն ավելի ու ավելի հաճախ պիտի ինքնուրույն խոսք կառուցեն և նկատեն իրենց թույլ տված լեզվաոճական սխալները, ինքնուրույնաբար շտկեն դրանք:

Ուսուցման գործընթացը տարրական դասարաններում կազմակերպելիս՝ երբեմն-երբեմն ստեղծում ենք խաղային իրավիճակներ, դրանով իսկ աշակերտներին հնարավորություն ընձեռելով մտնելու իրենց համար հիմնական, առաջատար գործունեության ոլորտ: Լեզվական դիդակտիկ խաղերը թե՛ գիտելիքների ընկալման, նոր փորձի ու տեղեկությունների հայթայթման միջոց են, թե՛ դրանց ամրապնդման ու ճշգրտման միջոց: Լեզվական խաղերը լրացնում են լեզվական վարժությունների համակարգը: Դրանք նպաստում են լեզվական գիտելիքների ձեռք բերման դժվարությունների հաղթահարմանը:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. Աշոտ Տեր-Գրիգորյան, Հայոց լեզվի դասավանդման մեթոդիկա, Երևան, «Լույս» հրատարակչություն, 1980թ., 564 էջ
2. Ջուլիետա Գյուլամիրյան, Հայոց լեզվի տարրական ուսուցման մեթոդիկա, Երևան, 2006թ.
3. Նախաշավիդ, 2004թ., N 3-4
4. Նախաշավիդ, 2005թ., N 5-6
5. Նախաշավիդ, 2011թ., N 1
6. Նախաշավիդ, 2012թ., N 6